



Comhairle Cathrach & Contae Phort Láirge  
Waterford City & County Council



An Roinn Turasóireachta, Cultúir,  
Ealaíon, Gaeltachta, Spóirt agus Meán  
Department of Tourism, Culture,  
Arts, Gaeltacht, Sport and Media

## **Deich mBliana na gCuimhneachán Chomhairle Cathrach agus Contae Phort Láirge - Maoiniú do Thionscadail Phobail**

### **CRITÉIR AGUS TREOIRLÍNTE DON FHOIRM IARRATAIS**

#### **Critéir agus Treoirlínte**

Is mian le Comhairle Cathrach agus Contae Phort Láirge, i gcomhar le Clár Deich mBliana na gCuimhneachán de chuid An Roinn Turasóireachta, Cultúir, Ealaíon, Gaeltachta, Spóirt agus Meán, clár de thionscadail phobail a fhorbairt chun Deich mBliana na gCuimhneachán a chomórath. Beidh maoiniú pobail ar fáil do ghrúpaí áitiúla chun gur féidir leo tionscadal a fhorbairt chun comórath a dhéanamh ar imeachtaí áitiúla.

#### **Cad chuige ciste deontais Deich mBliana na gCuimhneachán de chuid Chomhairle Cathrach agus Contae Phort Láirge?**

Úsáidfean an ciste chun tacaíocht a thabhairt d'eagraithe áitiúla agus pobail chun tionscadail nó imeachtaí a fhorbairt a dhéanfaidh comórath ar Dheich mBliana na gCuimhneachán: an Conradh; corraíl oibrithe; athruithe sóisialta; atógáil infreastruchtúir agus saoil; an saol cultúrtha agus cruthaitheach sna 1920daí; críochdheighilt; ceangail áitiúla leis an domhan mór le linn na tréimhse seo; iondaíocht nua pholaitiúil ag an leibhéal áitiúil agus an Cogadh Cathartha.

#### ***Bearta Éigeandála COVID-19***

Caithfidh aon tionscnamh nó gníomhaíocht a fhaigheann maoiniú ón gciste seo cloí go hiomlán leis an gcomhairle agus leis an treoir sláinte phoiblí ó thaobh paidéim COVID-19, mar atá leagtha síos ag FSS agus ag an Rialtas.

Beidh ar gach tionscadal lena mbaineann tionól poiblí agus gníomhaíochtaí for-rochtana gaolmhara ‘Plean B’ a bheith san áireamh mar rogha acu, gur féidir é a chur i bhfeidhm sa chás go mbeidh srian ar thionóil i bpearsain ag uair an imeachta atá beartaithe. D’fhéadfadh go n-iarrfaí ar iarrthóirí sonraí a gcomhlíonta le beartais sláinte poiblí a chur ar aghaidh chuig Choiste na gCuimhneachán.

Is ceart smaoineamh ar thionscadail le cur chuige difriúil i leith rannpháirtíocht an phobail, m.sh. foilseacháin, bróisiúir agus bileoga, stair bhéil, obair ealaíne, ábhar digiteach coimeádta a fhorbairt, taispeántais ar líne, podchraoltaí, seimineáir ghréasáin, turais fhíorúla agus gníomhaíochtaí eile for-rochtana ar líne do dhaoine de gach aois.

## Téamaí

Chun go n-éireoidh leo, is gá go mbeidh tionscadail ag teacht le ceann nó níos mó de na téamaí seo a leanas:

- **Stairiúil** – ag comóradh imeachtaí stairiúla na tréimhse 1913-1923 i gcomhthéacs ár stair
- **Pobal** – rannpháirtíocht an phobail áitiúil agus ghrúpaí pobal, ag cur stair an phobail áitiúil i láthair i gcomhthéacs na n-imeachtaí náisiúnta i gcoitinne. Ag cuimhneamh ar oidhreachtaí áitiúla, phearsantachtaí, áiteanna, imeachtaí agus ar théamaí a bhfuil tábhacht faoi leith ag baint leo laistigh des na contaetha, paróistí agus pobail.
- **Samhlaíocht Chruthaitheach** – plé leis an stair i slí shamhlaíoch agus chuimsitheach. Cérbh iad na freagraí ealaíonta a bhí ag scríbhneoirí agus ealaíontóirí áitiúla ar a gcuid taithí i rith an ama seo?
- Is gá go mbeidh gach tionscadal **ómósach, íogaireach agus neamhpháirtíneach**, i gcuimhne orthu siúd a d’fhulaing agus a bhfuair bás le linn na tréimhse 1922-1923. De bharr nádúr íogaireach na tréimhse corrach seo inár stair, iarraimid ar lucht eagraithe a bheith measúil ar na híogaireachtaí a d’fhéadfadh a bheith le himeachtaí áirithe a ndéanfar iad a chomóradh agus iarrtar ar dhaoine cur chuige neamhpháirtíneach, ómósach agus ionchuimsitheach a bheith acu.

## Critéir

Caithfear an méid seo a leanas a thaispeáint:

- An méid is a dtagann an tionscadal atá beartaithe le himeachtaí Dheich mBliana na gCuimhneachán
- An spriocphobal ar a bhfuil an tionscadal dírithe (m.sh. grúpaí scoile; grúpaí gníomhaíochta lucht scoir, pobal áitiúil srl.)
- An costas a bhaineann leis an tionscadal atá beartaithe a chur i gcrích
- Aon tacaíochtaí nó maoiniú breise a d'fhéadfadh a bheith ag teastáil agus atá aimsithe ó gheallsealbhóirí ábhartha
- Cé chomh hindéanta is atá sé an tionscadal a chur i gcrích laistigh den achar ama atá tugtha
- Go mbeidh an ócáid ómósach, íogaireach agus neamhpháirtíneach

## Dé mhéid airgid atá ar fáil?

Tá dhá rogha ann maidir le méid an chiste:

1. Suas le huasmhéid €1,000 in aghaidh an tionscadail
2. Suas le huasmhéid €2,000 do thionscadal ar scála níos mó

Tabhair faoi deara nach bhfuil aon ghealltanas ann go bhfaighfí uasmhéid an deontais do thionscadal ar bith. Ní féidir a dheimhniú go dtabharfar maoiniú d'imeachtaí a shásaíonn na critéir cháilitheachta bunúsacha. Ciste teoranta atá ann agus déanfar iarratais cháilitheacha a mheas ar bhonn iomaíoch.

Beidh an maoiniú bunaithe ar ábharthacht an tionscadail do na téamaí thuasluaite. Déanfaidh “Grúpa Stiúrtha Cuimhneachán” de chuid Chomhairle Cathrach agus Contae Phort Láirge gach iarratas a mheas.

## Cé atá i dteideal cur isteach ar an maoiniú seo?

Tá maoiniú ar fáil do ghrúpaí nó d'eagraíochtaí atá ag eagrú ghníomhaíochtaí pobail le linn 2022. Chun a bheith incháilithe i gcomhair mhaoinithe, caithfidh an tionscadal a bheith lonnaithe i gCathair nó i gContae Phort Láirge agus caithfidh sé tarlú roimh an **21 Deireadh Fómhair 2022**.

## Is ceart do thionscadail béim ar chur ar an méid seo a leanas:

- Cur leis an eolas atá ag muintir na háite ar an tréimhse seo sa stair
- A bheith aireach ar na íogaireachtaí a bhaineann le comóradh a dhéanamh ar thréimhse chomh chorrach sa stair, a bheith measúil, go mbeidh teacht ag lucht féachana agus rannpháirtithe éagsúla ar an tionscadal agus é a bheith cuimsitheach ó thaobh téama agus cur chuige de
- A bheith dírithe ar naisc láidre leis an bpobal a fhorbairt
- Inniúlacht a thaispeáint; sé sin caithfidh eagraí/eagraithe an phobail plean soiléir a bheith acu chun an tionscadal a chur i gcrích agus caithfí fianaise dá leithéid a thaispeáint.
- Cumas a bheith acu an tionscadal a chur chun cinn agus clúdach na meán cumarsáide a fháil
- A bheith mar thionscadal nua a tharlóidh i 2022, nó a bheith mar rud sa bhreis ar thionscadal reatha atá á fhorbairt chun comóradh a dhéanamh ar Dheich mBliana na gCuimhneachán.
- Go bhfuil an tionscadal deartha ar bhunús réadúil airgeadais, go bhfuil luach maith airgeadais ag baint leis agus go n-úsáidfear an maoiniú de réir théarmaí agus choinníollacha an deontais, mar atá leagtha amach sna Critéir agus Treoirlínte
- Go mbeidh an imeacht/tionscadal atá beartaithe curtha i gcrích agus go mbeidh an t-iaratas ar tharraingt anuas an deontais curtha isteach faoin Aoine, 21 Deireadh Fómhair 2022. Chiallfear aon mhaoiniú nach bhfuil éileamh déanta air faoin dáta seo.

## **Cad iad na rudaí agus na costais nach bhfuil clúdaithe faoin gciste?**

- Caiteachas ar tháillí do shainchomhairleoireacht airgeadais, ar phá nó thuarastail do chomhairleoirí, ar fhíneálacha, ar íocaíochtaí pionósacha, ar chostais dlí, ar tháillí iniúchóireachta agus ar dheochanna meisciúla
- Soláthar nó cothabháil leaca chuimhneachán, plaiceanna, bustaí nó dealbha.
- Uirlisí troda nó éidí macasamhlacha a fháil ar cíos nó a cheannach;
- Boinn nó bioráin chuimhneacháin a tháirgeadh;
- Riaracháin nó gníomhaíochtaí eile nach mbaineann le téamaí leathana Chlár Deich mBliana na gCuimhneachán an Stáit do 2022; agus
- Gníomhaíochtaí tráchtála.

## **Conas is féidir liom cur isteach ar an gciste?**

Is ceart duit iarratas a dhéanamh go díreach le Comhairle Cathrach agus Contae Phort Láirge. Ní ghlacfar ach le hiarratais chomhlánaithe ar an bhfoirm iarratais ceadaithe. Caithfear an fhoirm chomhlánaithe a sheoladh isteach **faoi 4.00i.n. ar an Aoine, 28 Feabhra 2022 chuig:-**

**Ciste Deich mBliana na gCuimhneachán  
Comhairle Cathrach agus Contae Phort Láirge,  
Ionad um Sheirbhísí do Chustaiméirí  
Sráid Nua Bailey  
Cathair Phort Láirge  
Nó  
[archivist@waterfordcouncil.ie](mailto:archivist@waterfordcouncil.ie)**

## **Conas a mbeidh a fhios agam gur éirigh le m'iarratas?**

Gheobhaidh iarratasóirí a n-éireoidh leo Litir Thairisceana. Beidh an litir seo mar chonradh idir Comhairle Contae Phort Láirge agus an t-eagraí agus beidh na coinníollacha agus na riachtanais ar fad san áireamh inti.

Beidh ar ghrúpaí clúdach árachais dóthanach a bheith acu don ócáid agus déanfar Comhairle Cathrach agus Contae Phort Láirge a shlánú ar bpolasaí go luach airgid €6.5 milliún.

Foilseofar liosta na n-iarratasóirí a éiríonn leo ar shuíomh idirlíon Chomhairle Cathrach agus Contae Phort Láirge, ag lua ainm agus dáta na hócáide atá beartaithe.

## **Má éiríonn liom, conas is féidir liom an t-airgead a tharraingt?**

Beidh ar iarratasóirí rathúla Tuairisc ar dhul chun cinn an Tionscadail a sheoladh isteach faoin Aoine, 29 Iúil agus Tuairisc Deiridh Tionscadail a sheoladh ar aghaidh nuair atá an tionscadal curtha i gcrích.

Chun gur féidir an t-íocaíocht a fháil, beidh ar an iarratasóir gur éirigh leo **Foirm Tuairisc Tionscadail** ghairid a líonadh isteach (a chuirfidh Comhairle Cathrach agus Contae Phort Láirge ar fáil) agus an méid seo a leanas a chur ar fáil:

- Tuairisc ar Dhul Chun Cinn – le fianaise san áireamh go bhfuil tús curtha le hobair ar an tionscadal agus go mbeidh an tionscadal curtha i gcrích faoin spriocdháta deiridh de 21 Deireadh Fómhair 2022
- Tuairisc Deiridh Tionscadail - fianaise faoin tionscadal agus a rochtain don phobal (m.sh. suíomh idirlíon; cóip d’ábhar taifeadta agus/nó cóipeanna de thuairisc faoin tionscadal sna meáin)
- Sonraisc agus Admhálacha do na costais iomlána. **Ní íocfar aon deontas amach go dtí go mbeidh deimhniú ar chaiteachas faighte agus ní féidir deontais a íoc roimh ré**

Sé an **Aoine, 21 Deireadh Fómhair 2022** an spriocdháta le maoiniú a tharraingt anuas. Déanfar aon mhaoiniú nach bhfuil tarraingthe faoin spriocdháta a chur ar ceal. Os rud é nach féidir le tionscadal atá ceadaithe leanúint ar aghaidh mar a bhí beartaithe, iarrtar ort é seo a chur in iúl gan mhoill don Chartlannaí ag [archivist@waterfordcouncil.ie](mailto:archivist@waterfordcouncil.ie)

## **Aitheantas**

Tar éis duit a bheith curtha ar an eolas go bhfuil maoiniú á fháil agat, caithfidh tú a chinntiú gur mar chuid den tionscnamh seo a dtabharfar poiblíocht dod’ thionscadal agus beidh treoirínte cuí maidir leis seo san áireamh sa litir thairisceana.

Tá comhairle ar an gciste agus ar an bpróiseas iarratais ar fáil ó Oifig Chartlainne na Comhairle trí theagmháil a dhéanamh le Joanne Rothwell [jrothwell@waterfordcouncil.ie](mailto:jrothwell@waterfordcouncil.ie) 058 21144